

Buwire á wakita na a puwatertaa Paul ge emnde a KAURINTUS

Ga use á Paul

¹ Náwa wakita na yá anƙwa á puwetá ba iya Paul, a eksisaa ba Dadaamiya áte namaari-aara, a give slebela á Yaisu *Almasiihu. Ná anƙwa puwaná antara egdza emmemiya Timaute. Ná anƙwa á puwakurte ge kure emnde a fetarfe am Kaurintus, antara emnde a fetarfe na tá am kwará á Akaya bademme.

² A magarakuránmaga tara Eddemiya Dadaamiya, tá antara Yaakadada Yaisu Almasiihu ngurna, a varakurteva hairire.

Dadaamiya á ekhyaná ervaunƙe ge ura kwakya am sarte á zlaƙa

³ Ususe ge Dadaamiya, Eddenjara ge Yaakadada Yaisu *Almasiihu. Dadaamiya wá, slemággwe áte emnde, sle-ekhyamiyá ervaunƙe ma vaatara keni.

⁴ Nane anƙwa á ekhyamiyá ervaunƙe am zlaƙa-aha á miya bademme. Á magamiyá una nanna, geni miya keni mi ekhyaternaakhya ervaunƙe ge emnde umele, áte una a ekhyaminaa nane ge miya.

⁵ Almasiihu wá, ndza shushe zlaƙa kwakya. Nere keni ná anƙwa á shá zlaƙa kina ba seke una ndza a shanaa nane. Daaci Dadaamiya keni

aŋkwa á ekhyamiyá ervaunđe ba kwakya, adaba gamiyevge palle antara Yaisu Almasiihu.

⁶ Ma ɲere ɲá aŋkwa á shá zlaɗa keni, ba geni kure kwá shánsha ndzedá, a lyakurselye Dadaamiya ma vaatara keni. Zlaɓe adaliye, máki Dadaamiya aŋkwa á ekhyaɲerá ervaunđe ge ɲere, ba geni a ɓalasebale ervaunđe á kure, kwá gevge emnde a farvaunđe ge ɓásha jeba á zlaɗa-aha ɲanna.

⁷ Baaka shaige á ɲere dekiɗeki áte kure, diyaɲerdiya ganakini ɓaaka mbeɗa á kure áte barama á Dadaamiya. Ɗa disaa adaba kwa palle antara ɲere am zlaɗa-aha. Daaci ma ba palle am ndzedá na á vamiɗá Dadaamiya keni.

⁸ Daaci egɗzar mama-aha-aaruwa, názena ni ɲá kataná ɲere wá, ɲá kátá kwá diyeddiye zlaɗa yaikke na ɲa shuwaa ɲere am kwára á Aziya na. Shaɲerushe zlaɗa an tsáká ire. Ndza tamaɲerka dekiɗeki ganakini watse ɲá ɲjá an shifa.

⁹ Una ɲá enndaha ba parakke, á ba áte vuwa á ɲere keni ndza ɲa tapántápa ganakini watse ɲá ɲjeka an shifa na. Mbate wá, Dadaamiya a magaa una ɲanna, ganakini a faɲertarka áte ndzedá á ɲere, amá ɲá fetarfe á ba áte ɲane. Adaba ɲane wá, ma emtsaremtsa emnde keni, sletsatertetse ba ɲane am fáyá.

¹⁰ Daaci a lyaɲersaa ba ɲane am zlaɗa yaikke ɲanna á kátá eksá shifa á ɲere na. De katafke keni á de lyaɲerá ba ɲane. Una ba jirire ɲá fá táma á ɲere á ba áte ɲane palle, diyaɲerdiya geni ma vaatara keni á de lyaɲerá ba ɲane.

¹¹ Amá keni wá, naba melawaɲerumele an

maduwa-aha á kure. Estuwa, emnde kwákya tá de melañerumele an maduwa-aha-aatare. Máki lyevaalya Dadaamiya njála á miya, shamiyánsha barka-aara wá, watse emnde kwákya zlaɓe ádaliye tá de gálá njane adaba njere.

Pekyaapekya Paul ge de Kaurintus

¹² Náwa una dalila á higa á njere: Njere wá, diyañerdiya am ire á njere ganakini shagera zlaláwa á njere, baaka duksa mándzawe áte njere dekiɓeki, baaka deme seke am dagawe á kure. A vañertaa ba Dadaamiya una njanna, eñkale á emndimagwahaka dekiɓeki, ba Dadaamiya una a magañeraa njurna-aara.

¹³⁻¹⁴ Daaci am duksa na njá añkwa puwakurtá njere baɓemme na wá, njá añkwa ndaakurnda ba parakke áte una kwá dzegwándzegwa eccena-aara na. Aley, sem ba kina keni zlaɓe kwá cenevaaka elva á njere shagera. Yá tamaa ákatafke cekwaañgudí wá, watse kwá diyeddiye baɓemme geni vaci sawa á Yaakadada Yaisu *Almasiihu wá, ervaunɓe á kure watse ba seke nama áte njere, náza á njere keni watse ba seke nama áte kure.

¹⁵⁻¹⁶ Adaba iya wá, ndza baaka shaige-aaruwa dekiɓeki áte duksa-aha njanna. Ndza ya kátá ba dezekure emtsaade, lauktu ma yá dem Makiduniya. Am tse-aaruwa am Makiduniya keni maa, ma yá eptsa á ba ásezekure ádaliye, ma andze kwá se meliwa ba kure ge mága shula-aaruwa á dem Yahudiya. Estuwa, ma andze yá naba melakurumele ser buwa.

¹⁷ Am sarte na fanakuremfa una njanna am vuwa, amá maganka na wá, ya ndaaná á ba áte

we emtu? Estuweka defekideki. Emtu am sarte na yá anƙwa maga niya-aaruwa, ya magán ba seke náza á emnde a duniya emtu? Ya ndaase «ane» á ba áte we emtu?

¹⁸ Yá ndaakur ba jirire, á katafke á Dadaamiya na á eptseka elva-aara defekideki na: Ndaanakurka á ba áte we, amá ya ndaana á ba an ervaunƙe-aaruwa palle.

¹⁹ Adaba Yaisu *Almasiihu *Egdza á Dadaamiya na ƙa balakuraa elva-aara antara tara Silas an Timaute na wá, ƙane á ndaaka elva á ba áte we, ma vaatara keni á ndaa ba jirire.

²⁰ Baaka shaige-aara defekideki, ba ƙane una a njamiyante názena ni a baa Dadaamiya á de vamiteva na. Ba ƙane una *Aamin á miya á katafke á Dadaamiya, ge gálá zhera á Dadaamiya.

²¹ Zlabe ádaliye, a dzeramisaa ba Dadaamiya an ire-aara, anƙwa á ndzedamitá ba ƙane an ire-aara áte barama á Yaisu Almasiihu.

²² Arge una ƙanna zlabe ádaliye, a vamite Shedekwe Cufedƙe am ervaunƙe. Á maraná an una ƙanna ganakini miya wá, ma emnde-aara. Á maraná á ba an una ƙanna zlabe ádaliye geni duksa-aha umele na a baa watse á vamiteva na keni, watse mí shansha.

²³ Náwa Dadaamiya, a yiika an shifa máki ya magaa fida. Danka á dem Kaurintus na wá, ba ganakini yá ekhyakurnaakhya, a de zladanakurveka ervaunƙe kwakya.

²⁴ Tatayanƙerka ƙere hyakuraare áte laarire ganakini sey kwá fetarfe. Adaba fetarfire wá, fakurtarfe zlauzle baaka arge una ƙanna. Duksa

na ɲá kataná ɲere ázekure wá, ba mága slera átirpalle, ganakini kwá tapanaatápa emtakire-aara.

2

¹ Adaba una ɲanna, eptsanka á ba an niya á dem ekse á kure. Ya naba njante geni yá eptseka ádezekure mázla-aara, geni a de zladanaturveka ervaunɗe ádaliye.

² Adaba máki ya duwa wá, ba iya an ire-aaruwa keni watse emtaɲka ervaunɗe-aaruwa. Baaka edda una á de ekhyiyá ervaunɗe, adaba kure keni bademme watse á de zlada ervaunɗe á kure.

³ Adaba una ɲanna, ya puwakurtaa ba wakita, arge una ma andze ya duwa ba iya an ire-aaruwa. Ma andze danemda wá, ma andze á de zlada ervaunɗe-aaruwa kwakya áte kure. Emnde na ma andze tá de vitá itare higa keni ba kure ɲanna. Diyandiya ba jirire ganakini má emtake ervaunɗe-aaruwa ge iya wá, kure keni á de higa ervaunɗe á kure bademme.

⁴ Am sarte na yá aɲkwa á puwakurte wakita ɲanna wá, ndza yá am dzámá ire jipu, ndza an zlada ervaunɗe-aaruwa ba laaklaake, antara ba yáwe á kyuwa am huɗe-aara. Bawánka zlaɓe a ba kure, ya kátá ba zladakurve ervaunɗe an puwa-aaruwa ɲanna. Iya ya kátá kwá diyeddiye geni wayanakurwayire.

Paul aɲkwa á yanaare haypa-aara ge edda á haypa

⁵ Diyandiya ganakini aṅkwa slezladfaná er-vaunḡe ge ura am dagave á kure. Amá diyawed-diye ganakini á zladíyán ge iya ka palle, amá ge miya bademme. Amá keni emtaka ba jirire, ge kure bademme ka.

⁶ Kwakya ba emnde na ta puwaara elva na am kure, daaci yá tamaa hyaahya mázla-aara.

⁷ Kina wá, shagera ba kwá yanarye haypa-aara, kwá ekhyannaakhya ervaunḡe geni a demka dzámá ire yaikke am ṅane, a kedanaaka táma-aara bademme.

⁸ Adaba una ṅanna, táslawa á kure marawanánmárá ba wáyáva mázla-aara.

⁹ Dalila na ni ya puwakurte wakita ṅanna wá, yá kátá diyeddiye átekwa, máki zlaḡe kwá á ba an fesarfire á kure áte ya, ge mága názena yá bakurná ya bademme.

¹⁰ Daaci máki kwá aṅkwa yanaare haypa-aara ge slehaypa ṅanna wá, naba yawanaarye, iya keni yá naba yanaarye haypa-aara. Una hyapka ba názara keni, yá naba yanaarye á katafke á Yaisu *Almasiihu geni a zlalavzlále njá á kure.

¹¹ Estuwa a shanka Shaitaine ndzedá arge miya. Adaba diyamidiya názena á kataná ṅane bademme.

Weshetewesha ire á Paul am Terauwas

¹² Daaci ya naba tse áhuwa, kwáye ya zlálá á dem Terauwas ge de bálá labáre á higa, elva a Yaisu *Almasiihu áhuwa. Am sarte na danemda maa, ya náanna ganakini Yaakadada a weritaa baráma bademme ge bálá elva-aara áhuwa.

¹³ Amá wá, maganka, ndza an wesha ire-aaruwa bademme, adaba de beraneka egdza

emmemiya Titus. Daaci ya naba magateraa ájamimá shifa ge emnde a fetarfe na tá am Terauwas ñanna, ya naba fanuhe á dem kwará á Makiduniya.

*Shá midalire aɗaba barka Yaisu *Almasiihu*

¹⁴ Amá galaumigálá Dadaamiya, aɗaba ndzedá na a ganaa Yaisu *Almasiihu na anƙwa á vamite midalire ba kelaa wera á ekse. A puwamimaa ba ñane am slera-aara ge bálá elva a Yaisu Almasiihu ma áme keni baɗemme. Daaci waazu á miya gevge ba seke se á kajiji, hyemhye am sleɗe baɗemme, geni a diyareddiye emnde Yaisu Almasiihu.

¹⁵ Ba jirire ñere wá, ña ba seke se á kajiji na emtake se-aara jipu na, á ɗizaná Yaisu Almasiihu á katafke á Dadaamiya. Aɗaba ñere ña emnde a hyanme elva a Yaisu Almasiihu am duniya baɗemme, áza emnde na tá áte unɗule a lya, antara emnde na tá áte unɗule a keɗa keni baɗemme.

¹⁶ Áza emnde na tá áte unɗule a lya wá, ña emtake jipu, tá shá shifa am elva á ñere. Amá áza emnde na tá áte unɗule a keɗa wá, ña emtaɗka ɗekiɗeki, elva á ñere á teɗa shifa am itare ba ɗekiɗeki. Ware edda una hyephye ge mága slera ñanna an ndzedá á ire-aara? Baaka ɗekiɗeki.

¹⁷ Ñere wá, a belaneraa ba Dadaamiya ge mága slera ñanna. Kwakya emnde tá tsakala an elva á Dadaamiya, amá ñere wá, ganerefka estuwa. Ná bálá ba elva á Dadaamiya an ervaunɗe á ñere palle á katafke-aara, aɗaba ña emnde a slera á Yaisu Almasiihu.

3

Maganaa slera ge Dadaamiya áte namána áŋwaslire

¹ Emtu máki ŋa bakuraa una wá, watse kwá banjerá ŋá maga kurávire ŋará emtu ádaliye? Nere wá, ŋa baaka an wedere á nalmesheri á seydire am erwa ganakini kwá de diyaŋersá átekwa. Ge kure keni, ŋá ndavakuruka nalmesheri ŋanna ge dem tate umele an ŋane. Tá maganá ba emnde ŋanna ka wá, ŋere ŋá maŋka, ŋa gergere.

² Adaba ba kure una kwa nalmesheri á ŋere, an puwa áte ŋere. Ma ware keni diyaadiya una, tá dzegwándzegwa enndaha-aara geni ma ba estuwa antara kure am erwaunđe á miya.

³ Ba jirire, a puwetaa ba *Almasiihu an ire-aara wakita ŋanna, a vaŋerte ge ŋere. Amá wakita ŋanna wá, a puwanaa an narkálam ka, a puwanaa an hákuma á Shedekwe Cudedđe á Dadaamiya na ma vaatara keni Dadaamiya ŋanna á ba aŋkwa na. Puwa ŋanna keni a puwetaa áte naláwa-aha á nákwá ka, a puwanaa am erwaunđe á emndimagwaha.

⁴ Na ndaanaa adaba uneka, adaba ŋere faŋertarfe an Dadaamiya am duksa bademme, adaba Yaisu Almasiihu.

⁵ Diyaŋerdiya am ire á ŋere ganakini ba ŋere an ire á ŋere wá, á daaka ndzedá á ŋere ge mága slera ŋanna, ŋá maganá an ndzedá á Dadaamiya.

⁶ A gaŋervaa ba ŋane emnde a slera-aara, geni ŋá bálá namána-aara áŋwaslire na a

ngudaterán ge emnde bademme na. Am namána áŋwaslire ɲanna wá, seke shairiya-aha-aara na ta puwete am *tawraitá werre ka, á maganá Shedekwe Cudedde mázla-aara slera. Adaba tawraitá wá, slera-aara ba ceba emnde á katafke á Dadaamiya, amá Shedekwe Cudedde wá, á vaterte shifa ge emnde.

⁷ Werre wá, Dadaamiya ndza a puwete shairiya-aha-aara áte nalawa-aha á nákwá, ndza naranna emnde sleksire-aara keni am sarte ɲanna. Dadaamiya a magaa sleksire-aara wá, wafke á Muusa á mbá wulwulire na baaka kalle-aara dekideki na. Emnde a *Iserayila dzegwaránka zharaná á dem ice dekideki. Parakkire ɲanna keni á de shekwaaka tsa. Máki *tawraitá na slera-aara ba ceba emnde á katafke á Dadaamiya ni, Dadaamiya a marse sleksire-aara am huđe-aara estuwa wá,

⁸ sákwa máki á maganá Shedekwe Cudedde slera emtu, ɲane slevaterte shifa ge emnde? Á tsaame sleksire na á de maganá Dadaamiya!

⁹ Tawraitá wá, slera-aara ba puwa emnde á dem shairiya. Máki Dadaamiya a marse sleksire-aara estuwa am duksa na á puwa emnde á dem shairiya, sákwa am namána á Dadaamiya áŋwaslire na emnde tá shá jirire am huđe-aara emtu? Á tsaame kena sleksire na anjkwá á maraná Dadaamiya am huđe-aara na!

¹⁰ Daaci mí naba bánba ganakini duksa na ni ndza Dadaamiya a marse sleksire-aara am huđe-aara werre na wá, sleksire á Dadaamiya werre ɲanna hyepka ba názara keni, má mí slátera an náza vatena.

¹¹ Duksa na Dadaamiya a vaterte ge emnde ba ge sarte cekwa, kerten dedde maa, Dadaamiya marsemare sleksire-aara am hufde-aara, sákwa am una á zleka defekideki na emtu? A jatermaa uwe?

¹² Ná anƙwa á enndáhá ba parakke na wá, adaba fanjertarfe an duksa ɲanna geni jirire.

¹³ Muusa werre wá, ndza a puwem nalbuta am ice, adaba anƙwa á gulá sleksire á Dadaamiya áte wafke-aara, daaci wayaaka tá diyeddiye emnde-aara emnde a *Iserayiila. Amá ɲere wá, ɲa baaka an wedere á mága una ɲanna mazla-aara.

¹⁴ Iserayiila-aha werre wá, ndza cenaránka maana á duksa-aha ɲanna defekideki. Ba duksa palle ge egdzara-aatare vatena keni. Máki tá ndaha wakita á namána á Dadaamiya werre na, tá cenánka maana-aara defekideki, ba seke an faɗa enƙale-aatare an nalbuta á Muusa werre ɲanna. Adaba sey edda una lyevaalya *Almasiihu, lauktu á sesse enƙale-aara am nalbuta ɲanna.

¹⁵ Ba kina keni má itare tá ndáhá wakita-aha á Muusa werre wá, tá cenánka maana-aha-aara defekideki, ba seke an faɗa enƙale-aatare an nalbuta.

¹⁶ Amá anƙwa an puwa am wakita á Dadaamiya, a ba ɲane: «Ma a semaa ware áseza Yaakadada keni, sey á sesse am nalbuta ɲanna.»

¹⁷ Daaci ba estuwa. Adaba tara Yaakadada antara Shedekwe Cufedde wá, ta ba palle. Daaci am tate na ni anƙwa Shedekwe á Yaakadada wá, emnde ɲanna tá shánsha ire-aatare, á kwaraterka mázla-aara *tawraita.

¹⁸ Daaci miya kina wá, wafke á miya fadfaaka an nalbuta werre ñanna, má aṅkwa á nanna Yaakadada Yaisu Almasiihu am yaikkire-aara. Daaci ba kelaazare yaikkire á Yaakadada aṅkwa á gamive ba seke ñane. Yaikkire-aara am miya aṅkwa á far ba máráva am miya ba kelaazare keni. Kwaya ñane názena á maganá Shedfekwe á Yaakadada am miya.

4

Baaka payda á ñere ge ñere amá aṅkwa ndzedá á Dadaamiya

¹ A zamivaare ba Dadaamiya lauktu a famiyar slera ñanna. Adaba una ñanna ña ba dzaṅdzaṅe am slera ñanna.

² Diyamidiya miya wá, mí feka erva á miya á dem slera na tá maganá emnde an shebe, duksa á zherwe ba dey na. Mí zlermeka emnde, mí feka fida á dem elva á Dadaamiya keni. Ñere wá, ñá vaterte ba jirire á Dadaamiya parakke ge emnde. Názena ní aṅkwa á tataya jirire á Dadaamiya wá, ñane á diyeddiye jirire á ñere.

³ Labáre á higa na ña sanaa ñere na, tá cenanka emnde umele dekideki, ba seke an fádá eṅkale-aatare. Amá tá cenánka ba emnde na tá an keda na.

⁴ Itare wá, aṅkwa á piyaterdá Shaitaine, ñane slemándzawe na á kwára duniya na. Á piyaterte ganakini a naránka parakkire yaikke na á maraná elva a Yaisu *Almasiihu á dete itare. Parakkire ñanna aṅkwa á márá Yaisu Almasiihu

am yaikkire-aara. Máki ura a naa ɲane, a naa ba Dadaamiya.

⁵ Ɗá bálá elva á ire á ɲerka, ɲá bálá elva a Yaisu Almasiihu, geni ba ɲane una Yaakadada arge emnde baɗemme. Ɗere wá, ɲa ba emnde a slera á kure ge melakurumele, aɗaba ɲa emnde a ɗába Yaisu.

⁶ Werre am fakta wá, a baa Dadaamiya: A gevge parakkire, á mbe am tabeɗammire. Kina keni ba Dadaamiya ɲanna una á mára parakkire-aara á sem ervaunɗe-aha á ɲere. Á maraɲerá yaikkire á Dadaamiya na aɲkwa á mbe áte wafke á Almasiihu.

⁷ Ɗere wá, ɲa ba seke gahe-aha na ta nderanaa an haha, amá wá, ɲá an rezegire yaikke na a vaɲertaa Dadaamiya na am ɲere. Tá disá áte una ɲanna emnde, ganakini hákuma yaikke na ɲa shanaa ɲere ge mága slera á Dadaamiya na wá, hákuma á ɲereka, náza á Dadaamiya.

⁸ Tá aɲkwa á becaɲerbeca an zlaɗa-aha gergere, amá zlaraɲeraaka baɗemme. Ma a weshetaa estara ire á ɲere keni, ɲá á ba an táma á ɲere am ervaunɗe.

⁹ Emnde tá aɲkwa á shaɲeru zlaɗa jipu, amá yaɲeraaka Dadaamiya. Tá maganera palása am haha, amá ɲere ɲá emtseka.

¹⁰ Kelaazare emnde tá tataya ba ceɓá shifa á ɲere seke una ndza ta jaa Yaisu *Almasiihu, amá náwa ba nja ɲere an shifa. Tá diyeddiye á ba áte una ɲanna geni Yaisu á ba an shifa-aara.

¹¹ Ɗere emnde na zlaɓe ɲá an shifa am duniya na wá, ba kelaazare tá tsagwaɗaɲertsagwaɗa ge ceɓaɲerceɓa, aɗaba ɲa emnde a ɗába Yaisu

Almasiihu. Amá náwa ba njá á ñere an shifa, ñá an vuwa a laakire na á shekwaaka na. Tá diyeddiye á ba áte una ñanna geni á ba an shifa-aara Yaisu.

¹² Amaana elva ñanna wá, áte vuwa á ñere wá, anƙwa á wava ba emtsa, emtsa seke náza á Yaisu. Amá am kure wá, á maga slera ba shifa anƙwaslire na kwa shanaa ázenárá na.

¹³ Anƙwa elva am wakita á Dadaamiya, a ba ñane: «Fantarfe áte Dadaamiya. Adaba una ñanna yá anƙwa á bálá elva-aara.» Daaci ba duksa palle ge ñere keni, ñere keni shañeránsha fetarfire áte Dadaamiya; adaba una ñanna ñá anƙwa á bálá elva-aara.

¹⁴ Diyamidiya ganakini edda una a tsante Yaakadada Yaisu am fáyá na wá, watse á tsamitetse miya keni, á kya erva an Yaisu. Bademme á miya watse á damiyá á ba átirpalle á de katafke-aara.

¹⁵ Bademme á duksa-aha ñanna anƙwa á maganá Dadaamiya na wá, á maganá adaba ba kure, ge melakurumele, geni emnde kwakya a sharánsha ñgurna-aara. Tá de hwiya estuwa emnde a slafanaa we ge Dadaamiya, emnde a gálá zhera-aara.

Baaka lámbe á ñere, ñere enƙale á ñere áte duksa na á zleka na

¹⁶ Adaba una ñanna, ña ba dzañdzañe. Diyañerdiya tsa geni anƙwa á far ba gulá ndzedá á ñere ba kelaazare, amá am ervaunƙe á ñere wá, ña emnde dzañdzañe jipu. Adaba Dadaamiya anƙwa á fañerem ndzedá am vuwa.

17 Zlaɗa wá, nǎ aɳkwa á essha, amá watse á zlauzle. Aɳkwa yaikkire nǎ de sháná ɳere aɗaba zlaɗa ɳanna. Yaikkire ɳanna keni watse ɗaaka zle-aara, jauje ge duksa baɗemme. Máki yehaɳerteyeha una ɳanna, nǎ zhára zlaɗa á ɳere kina hyapka ba názára keni.

18 Aɗaba eɳkale á ɳere áte duksa na á naaná ice ka, amá áte názena á nánka ice á urimagwe. Aɗaba baɗemme á názena á naaná ice á urimagwe watse á zle. Duksa-aha na ni á zleka ɗekideki wá, tá zharaná an ice ka.

5

1 Diyaɳerdiya ganakini má mbeɗaambeɗa bere á haha á ɳere na nǎ am huɗe-aara kina, amaana vuwa laakire á ɳere na wá, Dadaamiya á de vaɳerte bere umele áɳwaslire am samaya. Amaana: á de vaɳerte vuwa umele am samaya, názá dem ba ge ɗekideki.

2 Nǎ á ɳere am duniya kina na wá, laruwa jipu, nǎ kumá ba daa á dem bere á ɳere áɳwaslire na am samaya na.

3 Aɗaba máki shaɳeránshá tsek-waɳeremtsekwa am vuwa áɳwaslire na wá, shedeke á ɳere á gevka an ukhyiye dey mázla-aara á katafke á Dadaamiya.

4 Amá am kinire na zlaɗe nǎ á ba am bere á haha á ɳere na wá, nǎ am zlaɗa an tsáká ire, á vaɳerte ba kyuwa. Tatayaɳerka ɳere ganakini nǎ kátá tsekwese am vuwa a laakire á ɳere ɳanna ba ɗekideki. Estuweka. Nǎ kátá ma ɳa tsekwarhe una áɳwaslire, vuwa á samayire

na, daaci ma andze á shebanveshebe emgyegwe-aara na ñane á emtsa na.

⁵ A tsatsañeraa ba Dadaamiya an ire-aara vuwa áñwaslire ñanna ge ñere. A vanjerte Shedekwe Cudedde na wá, á maraná an una ñanna ganakini duksa na a baa watse á vanjerteva na wá, ba jirire watse ñá shánsha.

⁶ Adaba una ñanna, ñere ña ba dzañdzañe. Máki zlaɓe ñá á ba am vuwa laakire na wá, diyañerdiya ganakini zlaɓe ña yiyye an tate na átekwa Yaakadada.

⁷ Kina wá, zlaɓe ñá nánka emtsaade an ice á ñere. Njá á ñere antara ñane wá, á ba an fetarfire.

⁸ Ba jirire baaka shaige á ñere dekiɓeki. Máki ñá shánsha ñá tsekwesetsekwe am vuwa laakire na, ñá zlalá ádeza Yaakadada wá, wayañerwáyá jipu.

⁹ Duksa palle ñá kataná ñere wá, ma zlaɓe ñá á ba am duniya na, ma dañeraada ádezeñará keni, ñá maga ba názena á kataná ñane.

¹⁰ Adaba baɓemme á miya watse mí de katafke á *Almasihu am yaikkire-aara, á de kyáná ñane shairiya á slera-aha á miya. Ma ware á miya keni á de pelansá á ba áte názena ndza a maganaa edda-aara am duniya. Edda una a magaa shagerire, á de shá laɓa-aara. Edda una a magaa shagerkire an shagerkire-aara.

Dadaamiya á kátá emnde baɓemme tá melemela an ñane

¹¹ Adaba una ñanna, elva a fá zherwe áte Yaakadada wá, ña dise vateneka ñere. Daaci ñá aɓkwa á wava ba ge maraterá jirire á ñere

ge emnde. Dadaamiya wá, baaka názu diyaaka ñane am ervaunđe á ñere. Yá tamá ba kure keni diyakuridiya, má kwá ndáhá jirire á názena kwa disaa kure áte ya.

¹² Emtu watse kwá banerá ñá gálá ire ñará emtu ádaliye? Una ñá gálá ireka, ñá kwarakurse ba sera á elva, geni a njeka lambe á kure ðekideki, naba fautarfe an ñere, kwá de shánsha dza sera, kwá de háslaterá ba kure emnde a gálá ire ba dey na. Adaba itare tá zhárá ba iga á duksa, baaka lámbe-aatare áte nja-aatare am ervaunđe.

¹³ Emtu kure keni kwa ba seke emnde umele, kwá zharáner ba seke ñá an shaitaine ñará emtu? Máki estuwa wá, ña shaa shaitaine ñanna adaba ba Dadaamiya. Amá ba lápiya ire á ñere. Daaci an enkale á ñere ñanna wá, ñá melakuru ba ge kure an ñane.

¹⁴ Dalila á slera á ñere wá, ñá maganá adaba wáyávire yaikke na a magaminaa *Almasiihu na. Ñane a naba yaa ire-aara, a emtsehe adaba emnde bademme. Daaci áza Dadaamiya wá, bademme á emnde emtsaremtsa kerde antara Almasiihu.

¹⁵ Labára Almasiihu a emtsaa adaba emnde bademme? A emtsaa adaba itare, geni ma tá á ba an shifa-aatare keni, tá magán ge ire-aatare ka duksa, tá maganá áte namaari-aatare ka mázla-aara duksa, amá tá maga ba názena á kataná ñane, adaba ñane a emtsaa adaba itare, tsetse am fáyá keni adaba itare.

¹⁶ Daaci kina wá, gergerka emnde ázenere mázla-aara, emnde bademme ta ba kalkale, ñá

zháreka názena ágáshe. Werre wá, ice na ndza ɲa zhárá *Almasiihu an ɲane na wá, ndza ɲá maga ba slera á emndimagwaha. Amá kina wá, ɲá maɲka mázla-aara.

¹⁷ Edda-aara máki garevge palle antara Almasiihu wá, ɲja-aara werre baɗemme dedde, ma jeba-ara-aara keni gevge aɲwaslire baɗemme.

¹⁸ Baɗemme á una ɲanna, a maganaa ba Dadaamiya. ɲane a belaa Almasiihu, a se melamiyaahe an ɲane. Daaci a famiyar slera ɲanna ge miya, geni á kátá emnde baɗemme tá shánsha mele an ɲane.

¹⁹ Amaana wá: Dadaamiya a belaa Almasiihu á sem duniya, aɗaba á kátá emnde baɗemme tá melemele an ɲane. Á ɲaterka am ervaunɗe mázla-aara aɗaba haypa-aha-aatare. Daaci a famiyar slera á de balaterá una ɲanna ge emnde baɗemme, geni aɲkwa baráma a mela an Dadaamiya.

²⁰ Daaci ɲere wá, ɲa we á Almasiihu, á ɗahákurá ba Dadaamiya an ire-aara á kya an we á ɲere. ɲá aɲkwa á magaterá ba táslé ge emnde aɗaba barka á Almasiihu, táslawa á kure eksawarekse ganakini kwá melemela an Dadaamiya.

²¹ Almasiihu ɲane maganaaka haypa ɗekiɗeki, amá Dadaamiya a naba far haypa-aha á miya ge ɲane, ganakini á gamivege miya ma emnde a jirire á katafke-aara, má gamiyevge palle antara Almasiihu.

*Slera á slebela á Yaisu *Almasiihu*

¹ Náwa nǎ aŋkwa á bakurá elva: Nere wá, nǎ emnde na ni Dadaamiya aŋkwa á maga slera-aara á kyá erva an nǎ. Dadaamiya wá, magakuránmaga nǎ. Táslawa á kure, gawanveka nǎ á Dadaamiya na seke duksa ba dey.

² Ábi bánba Dadaamiya aŋkwa an puwa am wakita-aara, a baa nǎ:

«Am sarte na hyephye sarte á nǎ-aaruwa, ya cenakvaarcene.

Am sarte na hyephye sarte-aaruwa ge lya emnde, ya melakumele.»

Daaci diyaweddiye ganakini sarte á nǎ nǎna ba una, sarte á lya emnde nǎna ba una.

³ Wayanǎka nǎ vante ektápaare ge ura, wayanǎka an duksa mándzawe am slera á nǎ dekiděki.

⁴ Názena nǎ kataná nǎ wá, nǎ kátá tá diyaneddiye emnde ganakini nǎ emnde a slera á Dadaamiya. Una názena nǎ maganá nǎ am duksa bademme. Ma nǎ aŋkwa á shá zladǎ yaikke, ma nǎ am emtanǎkire, ma kwakya palása na nǎ maganá nǎ keni, ba nǎ farvaunǎ, nǎ ebbásha.

⁵ Ja keni hyanǎhya áza emnde, á dem dangay keni darǎnǎ, ervaunǎ á zlamaa bademme keni tsarantetse áte nǎ. Máki ba slera wá, wavanǎwava an nǎ. Am sarte umele ba háre keni nǎ puka, zu náza za keni baaka dekiděki.

⁶ Nǎ aŋkwa á marateránmára ba parakke ge emnde ganakini nǎ emnde a slera á Dadaamiya. Dyanǎdiya jirire á Dadaamiya,

ɲá aɲkwa ɲjá ba cuɖeɖɖe, ɲá farvaunɖe am duksa baɖemme, ɲá aɲkwa á maga kemaarire, Sheɖekwe Cuɖeɖɖe keni aɲkwa an ɲere, ɲá aɲkwa á maga wáyávire an ervaunɖe á ɲere palle,

⁷ ɲá aɲkwa á magaterá waazu á elva a jirire ge emnde, aɲkwa á vanɛtereva Dadaamiya hákuma-aara. Kazlaɲa á wáva á ɲere ge ɲere wá, ba mága jirire. Ma ge wava keni á ba an ɲane, ma ge lyá ire á ɲere keni á ba an ɲane.

⁸ Emnde umele tá zlebaɲerzleba, emnde umele tá epsawaɲerepsawa. Emnde umele tá galaɲergálá, emnde umele tá zlazlaɲerzlázle. Emnde umele tá zharáɲer ba seke ɲa emnde a fida, amá ɲa emnde a jirire tsa.

⁹ Tá zharáɲer ba seke diyaraɲerka, amá diyaraɲerdiya tsa emnde baɖemme. Emnde tá zharáɲer ba seke irekhya-aha, amá baaka duksa umele áte ɲere, ɲa ba lapilayye. Tá shaɲeru zlaɖa an tsáká ire, amá ɲá emtseka, náwa ba ɲjá á ɲere an shifa.

¹⁰ Emnde tá kátá tsekwanaatsekwa higa á ɲere ba ɖekideki, amá ma vaatara keni ɲere ɲá á ba an higa á ɲere. ɲa ba talage-aha am duniya na, amá ɲá gatervaa ba ɲere emnde, tá gevge emnde a berba an elva á Dadaamiya. Emnde tá zharáɲer ba seke baaka duksa á ɲere, amá baaka názu eksaɲeraarektse ɖekideki.

¹¹ Kure emnde a Kaurintus wá, ɲa ndaakurndáhá ba parakke, shebaɲerakurvuweka názu am ervaunɖe á ɲere ɖekideki.

¹² Nere wá, njá wayákurá an ervaunđe á nje palle, kwa yañeraa ba kure.

¹³ Ázerwa wá, kwa ba seke egdzara-aaruwa, iya keni ya ba seke eddekure, yá ndaakur elva. Kure keni shebawañervuweka názu am ervaunđe á kure, wayawañerwáyá ba seke una ña wayakuraa nje.

Faufa hyema, gawevka palle an emnde na fartarka

¹⁴ Kure wá, gawevka am sawari palle antara emnde na fartarka Yaakadada na, una zlayeka ge kure dekideki. Tá másláva estara tara jirire á Dadaamiya an haypa? Tá njá estara tara parakkire, antara tabedfammire am tate palle?

¹⁵ Á duwa estara elva á tara Yaisu an Shaitaine? Á duwa estara sawari á tara slefetarfe an edda una fetarka?

¹⁶ Tá másláva estara tara mashidi á Dadaamiya antara hele á shaitaine? Yá ndaakur ba jirire: Ba miya una mi mashidi á Dadaamiya na ma vaatara keni ñane á ba ankwana. Ba seke una a ndaanaa ñane ankwana an puwa am wakita-aara, a baa ñane:

«Watse yá njá á ba am dágave-aatare, yá njá antara itare.

Yá de gev Dadaamiya-aatare, itare keni tá de gev emnde-aaruwa.

¹⁷ A ndaanaa adaba una ñanna Yaakadada Dadaamiya zlaɓe adaliye, a ba ñane: Sawesse am dágave-aatare, gawevka palle antara itare, njawinja cufedde, lauktu yá liyakurlyiya;

18 Yá de gev Eddekure, kure keni zála an ηwásha bademme kwá de gev ba egdzara-aaruwa. Kwaya ηane elva á Yaakadada na hákuma bademme á ba ázeñará na.»

7

1 Bademme á waada-aha ηanna a maganaa Dadaamiya na wá, a magamiyán ba ge miya egdzar mama-aha-aaruwa. Adaba una ηanna, barawamiyaabará ire á miya cufedde. A jerka duksa na ni á badza shifa á miya, antara vuwa á miya dekideki am zlaláva á miya, adaba ma emnde a fa zherwe áte Dadaamiya.

Tara dzámá ire, antara higa á Paul

2 A yanjeraaka ervaunde á kure ba dey, adaba baaka emtanpire na ηa magakurtaa ηere ba ge palle á kure keni. Baaka edda una ηere ηa maganaa ektápaare am kure dekideki, baaka edda una ηa zlermuwa ηere dekideki am dagave á kure.

3 Bawánka zlafe ganakini ná kátá fakurar ba zherwe an elva na ná ankwá á tsakaná ηere, una ka dekideki. Ba kina keni ya zluwa á ndaakur ba ηane ganakini ηa wayakurtaa an ervaunde á ηere palle. Baaka názu á pekyamiya an kure dekideki. Una ma zlafe ma á ba an shifa á miya, ma zlauzle shifa á miya am duniya na keni.

4 Baaka shaige-aaruwa áte kure dekideki. Bademme á higa-aaruwa á ba áte kure. Bademme á zladá na ya shuwaa ya na, aley yá á ba an higa-aaruwa am ervaunde.

⁵ Zlaɗa wá, ba jirire shaɗerushe. Á ba am Makiduniya keni se shaɗeránka hairire ɗekideki. Ma á kyá ura-ara keni á sawa ba shunɗula, emnde tá ɗabaɗerá á ba an elva. Ekhyaaka ervaunɗe á ɗere ɗekideki, ɗá dzámá ba ire.

⁶ Amá sle-ekhyaterá ervaunɗe ba Dadaamiya ge emnde, máki weshetewesha ire-aatare. Daaci a ekhyaɗeraa ba ɗane ervaunɗe an sá á Titus.

⁷ Dadaamiya a ekhyaɗeraa ervaunɗe an sá á Titus ka palle, a ekhyaɗeraa ervaunɗe an elva na a melanuwa ɗane ge Titus ge tsakaɗersetsake na. Adaba se tsakaɗersetsake Titus ganakini ekhyakurnaakhya ervaunɗe ge ɗane keni. Zlabe ádaliye, a ndaɗernda ganakini kwá an wedere-aaruwa jipu, dakuremda am nambane arge názena kwa maganaa kure. Kina wá, baɗemme kwa á ba am iga-aaruwa, kwá aɗkwa á waviyuwawe. Labáre á kure higitehiga jipu zlabe ádaliye.

⁸ Diyandiya ganakini wakita na ya puwakurtaa ya na, a de vakurte dzámá ire kwakya, amá ba kalle. Yá kátá dem am nambane geni ma yá puwakurteka estuwa, adaba ya nanna ganakini puwanakurempuwa am dzámá ire kwakya.

⁹ Amá kina wá, ekhyaakhya ervaunɗe-aaruwa. Yá higa adaba ya puwakurme am dzámá ire ka, amá adaba kwá aɗkwa dzámá názena ndza zlalaaka an unɗule-aara na, eptsakureptsaa am tuba. Dzámá ire á kure áte namaari á Dadaamiya. Daaci máki estuwa, baaka em-taɗkire na ɗa magakurtaa ɗere ɗekideki.

¹⁰ Máki tá am dzámá ire emnde áte namaari á

Dadaamiya wá, dzámá ire ñanna shagera jipu. Adaba jeba á dzámá ire ñanna á dá ura á dem tuba. Daaci estuwa, Dadaamiya á lyelye edda-aara. Amá dzámá ire áte náza á emnde duniya wá, á saná ba emtsa ge ura á katafke á Dadaamiya.

¹¹ Yá ndaakur ba jirire: Dzámá ire á kure ndza áte una á kataná Dadaamiya. Nawanaana ba kure keni slera na a maganaa Dadaamiya am kure am sarte na kwá am dzámá ire ñanna! Nawanaana wáwa á kure ganakini kwá kátá bára ire á kure am elva ñanna! Nawanaana emtsaade ganakini ba kure keni ankwá á wakurwá am er-vaunđe mázla-aara! Kwá ankwá á tapanaatápa emtu lyáwa á kure, antara wedere á kure an iya kina! Nawanaana emtsaade wáwa á kure kina, geni kwá kátá namaari á Dadaamiya! Nawanaana emtsaade shairiya na kwa far ge edda una a magaa shagerkire! Kwa nanna emtu ganakini baaka názu magakurka geni kwa baaka am elva ñanna mázla-aara kwá an bára?

¹² Daaci diyaweddiye ganakini puwanakurteka wakita ñanna adaba edda una a gu haypa, bi adaba edda una ta ganu haypa, una ñanna ka palle. Ya puwakurte ganakini yá yehakuranteyeha bademme ákatafke á Dadaamiya, wáyáva á kure yaikke na kwa wayañeraa kure an ervaunđe á kure palle na.

¹³ Adaba una ñanna, kina wá, ekhyakurañeraakhya ervaunđe mázla-aara.

An ekhya ervaunđe á ñere ba parakke! Názu a ekhyañeraa ervaunđe zlaabe ádaliye kwakya-aara wá, Titus a se berañerá an higa yaikke,

adaba bademme á kure fakuranemfa ndzedá am vuwa.

¹⁴ Am sarte na yá anƙwa belaná ádezekure wá, ya zlebakurzleba jipu ázenjárá. Kina wá, yá anƙwa á nanna ganakini zleba ɲanna ya zlebakuraa ya na wá, fakuriyemka am zherwe. Bademme á elva-aha emtake emtake na ya ndaanaa ya áte kure na gevka fida. Daaci bademme á názena ndza ɲa banán ge Titus áte kure na, jirire.

¹⁵ Ba kelaa má yeheteyeha Titus názena kwa magannaa kure am sarte na a tsekwaá ázekure, kwa lyevaáhe am dágave á kure, kwa gyaigarhe, kwa fansarfe keni am názena a de bakurnaa ɲane bademme na wá, higa-aara áte kure á far ba wala ba kelaazare.

¹⁶ Daaci yá higa jipu, adaba baaka shaige-aaruwa defideki áte kure ma am uwe keni bademme.

8

Elva á náza melateru ge emnde na tá am baakire

¹ Egdzar mama-aha-aaruwa, ɲá kátá kure keni kwá cenáncena názena ta maganaa emnde a fetarfe am kwará á Makiduniya na. A magaternaa ba Dadaamiya ɲgurna á maga duksa ɲanna.

² Sharushe zladá an tsáká ire, amá baaka názu a eksanaa zladá ɲanna áte itare defideki, higa-aatare ba kelaa-aara. Ta talage-aha jipu, amá ta jemaa sadake-aatare ba kwakya.

³ Yá ndaakur ba jirire: Jaranmejahe ba kwakya, magarnaamaga ba seke ta jahanaa itare

ka d'ekid'eki, hyahya ndzed'a-aatare. Ndza ta sawa ba itare an ire-aatare ásezenere,

⁴ ta se ndava baráma, ganakini itare keni tá demda am slera á melateru ge emnde a fetarfe na tá am kwára á Yahudiya na.

⁵ Emnde n'anna ta magaa názena tamañerka ñere d'ekid'eki. Emtsaade, duksa zunñwe na ta maganaa itare wá, ta gaa ire-aatare ákatafke á Yaakadada, lauktu ta se ganaahe ákatafke á ñere keni. Bañemme ta maganaa á ba áte namaari á Dadaamiya.

⁶ Amá ázekure keni fakurantaufe zlauzle, a dakurnaa Titus sawari-aara. Adaba una n'anna maa, ñá an'kwa á ndavanundave zla'be adaliye kina, geni a eptsepsa ádezekure, á de zlanazle slera á jirire na a fantuwa ñane am dágave á kure na.

⁷ Ate baráma á Dadaamiya wá, kure hyaikure-phye am duksa bañemme. Ma fetarfire á kure, ma ge ndáhá elva á Dadaamiya, ma en'kale á kure ge dise ndaha elva, ma mága dzañdzañire am slera á Dadaamiya keni bañemme. Wayaku-ran'erwáyá an ervaun'fe á kure palle. Daaci yawánka mága slera á jirire n'anna keni, mag-aumága an ervaun'fe á kure palle.

⁸ Názena yá bakurná ya na wá, gevka laarire ganakini sey ba kwá fá sádake n'anna. Una yá vakurte ba seydire áte emnde na itare wayarwáyá jipu slera n'anna, itare tá an'kwa á effá na. An una n'anna wá, yá kátá diyeddiye máki an'kwa wáyáva á kure áte emnde umele.

⁹ Duksa palle wá, kure diyakurdiya n'urna yaikke na a magakurnaa Yaakadada Yaisu *Al-

masiihu. Njane, baɗemme á duksa á ba am erva-aara, amá a ganve ire-aara taɓa aɗaba kure. A magante una ge ire-aara, geni kure kwá gevge emnde a berba áte baráma á Dadaamiya.

¹⁰ Kina wá, yá ndaakurse názena yá slakurvá ya: Mbakiya wá, ndza kwa hayanaa ba kure zuɗwe mága slera á jirire njanna, kwa fantuwa ba kure zlaɓe ádaliye zuɗwe ge emmága-aara keni. Kina keni wallá laarire, wallá uwe, shagera ba kwá zlanazle slera njanna fakurantaufe zlaule na.

¹¹ Daaci yawánka, naba zlawanaazle slera njanna an higa, ba seke una kwa fantuwa an njane na. Faufa á ba áte názena kwa dzegwanaa kure.

¹² Aɗaba má kwá vante duksa ge Dadaamiya deydey á ndzeɗa á kure, kwá vante an higa wá, á ellyiya Dadaamiya. Dadaamiya á ndava ba una aɗkwa am erva á kure. Njane á ndavakuruka názena baaka am erva á kure na.

¹³ Bawánka zlaɓe a ba kure: Paul á kátá puwaɗerem am zlaɗa á emnde njanna, itare tá de shá ire-aatare. Una njanna ka ɗekiɗeki. Yá kátá emnde baɗemme tá gevge palle.

¹⁴ Kina wá, aɗkwa duksa ázekure, shagera jipu máki ká vaterteva ge emnde na tá am baakire kina, daaci mákuralla má watse baaka ázekure, amá aɗkwa ázetare, itare keni tá de vakurteva ba estuwa. Máki estuwa, baɗemmire á kure kwa ba palle.

¹⁵ Máki estuwa, gevge á ba áte una aɗkwa an puwa am wakita á Dadaamiya a ba njane:

«Emnde na tá hálá dáfá á samaya na, halar-vaahála kwakya, gevka seke kwakya ba ta zuhe á dem huđe ɲanna.
Emnde na ta halante ba cekwaɲɲuđi keni, ta yanaa ba itare náza za.»

Titus antara emnde a puwansepuwe

¹⁶ Náj aɲkwa á slafaná we á ɲere kwakya ge Dadaamiya, adaba a maganaa ba ɲane slera am Titus. Nannára aɲkwa á wava Titus ba seke ɲere ge melakurumele na.

¹⁷ Na ndavanu ganakini a eptseptsá ádezekure, a naba eksarhe. Adaba ndáva á ɲere ka palle, amá ba ɲane an ire-aara keni wayaawáyá ervaɲɲe-aara ge eptsá ádezekure, ge de melakurumele zlaɓe ádaliye.

¹⁸ Náwa ɲá aɲkwa á belante egdza emmemiya umele, tá aɲkwa á duwa kerde. Egdza emmemiya ɲanna wá, emnde a fetarfe bademme tá zleba ba ɲane adaba waazu na aɲkwa á balaná ɲane.

¹⁹ Zlaɓe ádaliye, adaba ta eksesaa emnde a fetarfe, ganakini á dábáɲerá ɲane am shula-aha á ɲere, a melaɲerumele ge mága slera á jirire ɲanna. Daaci slera ɲanna á de maga námpire kwakya, emnde kwakya tá de gálá Yaakadada á miya am yaikkire-aara. Tá de dise áte una ɲanna emnde, niya á ɲere ge melateru ge emnde.

²⁰ Shuɲgu wá, jaɲeranmejaha ba kwakya. Náj aɲkwa á fá hyema keni ba kwakya am slera á shuɲgu ɲanna, geni a tsalaranɲerka emnde adaba shagerkire á mága.

²¹ Náj kátá á baraavebárá shagerire na njá maganá njere na á katafke á Yaakadada, amá a baraavebare áza emnde keni.

²² Náwa njá anjwa á belaterterte egdza em-memiya umele ge emnde buwa njanna. Njane keni marañeránmárá wáva-aara ser kwakya, njá nanna ganakini wayaawáyá an slera á Dadaamiya. Kina deme cenáncena labáre á kure, geni shagera zlááva á kure wá, anjwa á wava jipu ge de melakurumele.

²³ Titus wá, njane edda una njá anjwa á ja dábá kerde ge mága slera á Dadaamiya am dágave á kure. Amá emnde buwa na tá anjwa á duwa antara njane na wá, ta belateraa emnde a fetarfe bademme ádezekure. Emnde kwakya tá anjwa gálá *Almasiihu adaba barka á slera-aatare.

²⁴ Marawateránmárá wáyáva á kure ge emnde njanna. Daaci bademme á emnde a fetarfe na tá duwa adazetare ge dezekure na, tá de cenáncena labáre á kure, tá de dise áte una njanna ganakini zleba na njá zlebakuraa njere na wá, an unjule-aara.

9

Dadaamiya a hayaa ba edda una á fáná an higa

¹ Ate elva a náza melateru ge emnde a fetarfe na tá am Yahudiya wá, baaka deme wedere kwakya ge puwakurte elva njanna áte nalmesh-eri.

² Adaba diyandiya ganakini ba kure an ire á kure keni kwá an wedere á melaterumele. Zlebanakuraazleba ya zlauzle áza emnde a fetarfe

na tá am Makiduniya, geni emnde a fetarfe na tá am kwárá á Akaya wayarwáyá jipu melateru ge emnde a fetarfe na tá am kwárá á Yahudiya. Kwaye mbákyiya tá maga ba niya-aara. Daaci wáva á kure a tsante wayava á emnde kwákya am Makiduniya, itare keni kwakya ba názena á kátá melaterumele na.

³ Nñanńára yá ańkwa á bela tara Titus antara egdzar mama-aha a miya umele buwa ádezekure, geni kwá zlauzle am slera á kure baďemme ge jáha shunngu ńanna, lauktu ńá daada ńere. Estuwa, zleba na ya zlebakuraa ya ázetare na á gevka fida.

⁴ Adaba máki dańeremda antara emnde a Makiduniya, ńa de berakur zlađe baaka názena kwa maganaa kure wá, watse zherwe ge ńere, adaba ńa bateraa baaka shaige á ńere áte kure. Názá á kure ďeme wá, náza ndaaka.

⁵ Daaci yá puwa sawari am ire-aaruwa wá, a ba ya duksa na wá, shagera ba yá nda-vaterundave ge tara Titus antara emnde buwa na, geni a darduwa itare zunńwe, lauktu watse ńá dabaterá ńere vacite umele. Yá kátá kwá maganaamaga antara itare duksa á barka na ndza kwa enndaa na, lauktu ńá daada ńere. Daaci una ńanna á de mára názena am ervaunďe á kure, geni kwa maganaa á ba an kátire á kure duksa á barka ńanna, gevka laarire.

⁶ A ba naraje umele wá: Edda una a herďante ba cekwaanńudi, á sem mbá keni, á sá ba cekwaanńudi. Edda una a herďaa kwakya wá, á sem mbá keni, á sá ba kwakya. Viyawanaaka naraje ńanna ďekidfekei.

⁷ Magaumága kwa mazla-aara. Ma ware keni a emmága áte una a eksesaa ñane. Fauka an dzámá ire, a gevka laarire keni. Faufa á ba an higa, adaba Dadaamiya á háyá ba edda una á fáná an higa.

⁸ Dadaamiya an hákuma ganakini á kwakyakuranvekwákye duksa bademme, á juwá á ba áte kure, kwá hyephye zlaɓe ádaliye ge mága slera á shagerire bademme.

⁹ Estuwa, kwá gevge áte una anƙwa an puwa am wakita á Dadaamiya, a ba ñane:

«Ura mággwe wá, pasakpasakke erva-aara áza talage-aha. Maggwire-aara á zleka deƙideƙi.»

¹⁰ Bademme á wulfe á duksa na tá jáná emnde á dem haha, á walantá ba Dadaamiya, á vatertá ba ñane náza za-aatare ge emnde, antara wulfe na tá de jáná am shifa á ayiye keni. Una keni ba duksa palle. Máki kwá maga shagerire an názena am erva á kure wá, kwá de shánsha zlaɓe ádaliye ba kwakya; ma vaatara keni kwá de maganá ba kure zlaɓe ádaliye shagerire, shagerire á kure á de maga nampire kwakya.

¹¹ Dadaamiya á de gá barka áte názu am erva á kure bademme, geni kwá magateránmaga zlaɓe ádaliye shagerire ge emnde, á de katafke. Daaci emnde kwakya tá de gálá Dadaamiya adaba duksa á barka na kwá anƙwa vatertá kure ge emnde ñanna á kya erva an ñere.

¹² Adaba slera á barka ñanna kwá maganá kure na wá, gevka ni sey ba ge zatervaare ge emnde á Dadaamiya, amá emnde kwakya zlaɓe ádaliye tá de gálá Dadaamiya adaba ñane.

¹³ Slera á barka ɲanna kwá de maganá kure na wá, á de maraná una ɲanna shagerire á ervaunɗe á kure, tá de diyakursá áte una ɲanna emnde, ganakini lyakurvalya labáre á higa, elva a Yaisu *Almasiihu na á ba an jirire, kwá anƙwa á fansarfe á ba an jirire. Daaci emnde kwakya tá de gálá Dadaamiya aɗaba ɲane. Zlabe ádaliye, tá de galaná aɗaba shagerire na kwá de magaterán ge itare, antara ge emnde umele keni baɗemme na.

¹⁴ Baɗemme á una ɲanna, watse kwá maganá an ndzeɗa á kure ka, á de magakurná ba Dadaamiya ɲgurna-aara. Má de sesse shagerire á kure parákke áza emnde wá, tá de hayakurhayá, tá de melakurumele zlabe ádaliye an maduwa.

¹⁵ Amá galaumigálá Dadaamiya aɗaba duksa yaikke na a vamítaa ɲane, baaka názena mí sláterá an ɲane.

10

Paul á ndáhá elva a hákuma na a vanta a Dadaamiya

¹ Kina wá, iya Paul yá kátá ndaakurse elva-aaruwa palle. Kwa bantsa kure: Máki yá am dágave á kure wá, ya tsekadɗe, amá máki ya yiyye an kure wá, ya ɗaɗɗaɗe. Aɗaba barka á martaapire, an kemaarire á *Almasiihu wá,

² wayanka yá gev ɗaɗɗaɗe. Táslawa á kure, yáwánya jeba á mága á kure na. Máki yakuránka wá, má danemda watse baaka hairire am dágave á miya. Iyau, emnde na ta bantsa itare maganka jirire, yá maganá áte slera

á duniya na keni maa, diyana ba iya názena yá de maganá an itare.

³ Ge jirire wá, ña ba emndimagwaha, amá wáva á ñere wá, áte názá á emndimagwaha ka mazla-aara.

⁴ Adaba kazlaña á wáva na ñá wava ñere an ñane na wá, gevka kazlaña á wáva á emndimagwaha, á vañertá Dadaamiya kazlaña á wává á ñere. Kazlaña á wáva á ñere an ndzedá jipu, á dzegwándzegwa kyábá dala yaikke na tá an shabe am huđe-aara kelaade-aha á Dadaamiya. Amaana: ñá naba kezlanvekezele fidire na tá tsakaná emnde ñanna,

⁵ antara kurávire na tá maganá itare, tá aṅkwa piyaterte dise jirire á Dadaamiya ge emnde na. Njá kátá jemaa eṅkale á emnde baðemme, ñá gaterve ba seke danḡay-aha, geni sey tá fansar ba ge *Almasiihu palle.

⁶ Ba máki ña nanna fesarfire á kure, kwa emnde umele wá, ñere ñá aṅkwa átekwa ge giya emnde na baaka fesarfire ázetare ðekideki na.

⁷ Kure kwá zhára ba iga á duksa. Tá aṅkwa emnde umele am dáḡave á kure, ta bántsa itare ta emnde á *Almasiihu. A diyareddiye emnde ñanna ba shagera ganakini iya keni ya ba ura á Almasiihu.

⁸ Yaakadada a vite hákuma áte kure. Amá a vite hákuma ñanna geni yá zadakurzáða an ñane ka, a vite ge dákurá á de katafke an ñane. Ma ya galante ire-aaruwa kwakya keni, baaka názu á emmága, adaba yá galaná an unḡule-aara.

⁹ Amá bawánka zlaɓe a ba kure: Paul á kátá ganḡerte ba lyáwa an elva na á tsakaná ñane am

wakita-aara na.

¹⁰ Ta bántsa emnde umele á kure áte iya: Máki ya yiyiye an kure yá puwakurte nalmesheri wá, ya tsakakurse ba elva safadde, antara elva-aha na zlazladá áte emnde na. Amá máki danemda am dágave á kure wá, yá gev ba seke baaka ura, ba seke yá ndaaka elva.

¹¹ Náwa elva na ná baterná n̄ere ge emnde n̄anna; a cenarácena ba shagera: Bademme á názena n̄a puwakurtaa n̄ere na wá, má watse dan̄eremda am dágave á kure keni, ná de maganá á ba áte una n̄anna.

¹² Itare ta ganvaa ba itare ire-aatare ta male-aha. Daaci n̄a gergere an emnde n̄anna, n̄ere ná sleka ire á n̄ere an itare deki. Itare wá, ta fanaa ba itare ire-aatare am malire, daaci tá zhára ire-aatare áte una tá slaslaná itare, daaci ta bantsaa itare ta male-aha. Ta uce-aha degi emnde n̄anna.

¹³ Amá n̄ere wá, ná gáleka n̄ere ire áte n̄azá-aatare na. Gálá ire á n̄ere á tsaatse á ba áte slera na a fan̄eraara Dadaamiya ge n̄ere, ná ebzeka nákw̄e deki. Slera na a fan̄eraara Dadaamiya ge n̄ere wá, ná daada ádezekure an labáre á higa.

¹⁴ Daaci duwa á n̄ere ádezekure na n̄a dakuraa labáre á higa, elva a *Almasiihu na wá, ebzan̄eruka nákw̄e á una a kwaran̄ersaa Dadaamiya deki.

¹⁵ Daaci estuwa, galan̄erka ire áte slera á ura, adaba ebzan̄eruka nakwe á una a kwaran̄ersaa Dadaamiya. Ná tama kwá an̄kwa á wálá ba lapiya am fetarfire, geni a farfe zlaɓe adaliye

slera á ñere am dágave á kure. Baɗemme á una ñanna, ebzañeruka nakwe ɗefikiɗeki.

¹⁶ Má zlañeruzle ázekure maa, lauktu bi watse ñá shá baráma a dá labáre á higa á dem larde na á katafke. Wayañerka ñere gev seke emnde umele, tá gálá ire áte slera á emnde na.

¹⁷ Ankwá an puwa am wakita á Dadaamiya, a ba ñane: «Máki ura á kátá gálá ire wá, a eggálá aɗaba názena a maganaa Yaakadada.»

¹⁸ Aɗaba emnde na tá galaná ba itare ire-aatare ka una, tá de shá háyá áza Dadaamiya, sey emnde na ni a galateraa ñane.

11

Paul á tsáká elva áte emnde na ta bantsa itare ta emnde a bela

¹ Kina wá, yá ndaakur elva ba seke ura an shaitaine, amá naba fawifa erwaunɗe. Ba estuwa, naba fawifa erwaunɗe.

² Yá ankwá á shelha jipu áte kure, ba seke náza á Dadaamiya kalkale. Zlaɓe áɗaliye, kure kwa ba seke gyaale, vanakurteva ge *Almasiihu zlauzle, kwa ba seke gyaale a sheba-aara. Daaci yá kátá kwá njá an enjkale á kure, ɓaaka duksa mándzawe áte kure, dem sarte na ni watse ñá jakurmeje na.

³ Amá yá á ba an lyawa, geni bi watse kwá njeka á ba átuge Almasiihu palle, kwá de wayeka an erwaunɗe á kure palle, ire á kure á de gev bubuwa áte ñane. Amá yehauteyeha Hawwa, ñane keni ndza a baduwa záhe ba estuwa an yaimyaimire antara fida-aara.

⁴ Yá an iyawa ba párákke áte kure. Adaba kure, ba a duhe ge ura ádezekure wallá slebela á Yaisu ka, uwe ka, waazu-aara áte ñane keni gergere tsa antara una kwa cenanaa ázeñere, shedekwe na ñane á maga slera an ñane keni gergere antara una kwa shanaa kure, aley kwa naba vante baráma ge ura estuwa. Shagera slera á kure!

⁵ Ay degiya, emnde ñanna ta bantsa itare ta emnde a bela baaka arge itare ñanna wá, diyandiya ganakini baaka názu ta jiwa an ñane.

⁶ Ambáne mbanka ndáhá elva emtake emtake. Amá diya wá, yá aṅkwa an ñane. Ba kure keni diyakurdiya diya-aaruwa, ya marakuránmárá ser kwakya am duksa bademme.

⁷ Am sarte na yá am dagave á kure, yá aṅkwa á balakurá labare á higa elva á Dadaamiya, ya magán ba dey, ndavanka duksa á kure dekideki. Ya naba gulaa ire-aaruwa, ya kakurte kure, geni kwá wálá an unṅule-aara. Emtu badzanevbadze emtu?

⁸ Am sarte na yá aṅkwa á maga slera am dágave á kure, kwaye ndza ta veliyantaa emnde á Dadaamiya á sawa am tate umele shunḡu. Una ñanna gevge ba seke ya zlaa ndzedá á emnde umele, mela wá, ya melakuru ge kure.

⁹ Am sarte na yá aṅkwa á maga slera am dágave á kure, ma yá an wedere á shunḡu keni, ndavanka ya duksa á kure, kwaye ndza ta sinaa emnde á Dadaamiya na tá am kwárá á Makiduniya náza a já wedere-aaruwa. Hyanaku-raaka ya lyuwa dekideki an wedere á ire-aaruwa. De katafke keni yá hyakuraaka ya

lyuwa.

¹⁰ Yá ndaakur adaba jirire á *Almasiihu na am iya na: Una ñanna názu yá gálá ire átekwa. Am huđe á Akaya bademme, baaka ura á dzegwándzegwa piyitepiya.

¹¹ Emtu máki yá tsáká elva estuwa wá, wayanakurkire emtu? Una ka d'ekideki. Diyaadiya Dadaamiya ganakini wayanakurwáyire.

¹² De katafke keni yá liyeka ya duksa á kure, ganakini a sharánka názena ni tá gálá ire átekwa emnde na ta bántsa itare ta emnde a bela, slera á ñere ba palle, mbate fida na.

¹³ Emnde ñanna ta emnde a bela á Yaisu *Almasiihu ka d'ekideki. Itare ta emnde a zlerma, amá tá mareka jirire á slera-aatare, ta ganve ire-aatare ba seke ta emnde a bela.

¹⁴ Magauka najipu-aara. Adaba ba Shaitaine an ire-aara keni ankwá á magán ba estuwa, á ganve ire-aara ba seke malika á Dadaamiya.

¹⁵ Daaci una keni najipu ka. Emnde a slera-aara keni tá naba ganvege ire-aatare ba seke ta emnde a slera á Dadaamiya á jirire. Amá am halavuwa á duniya wá, názena tá ankwá á maganá itare na bademme watse tá de ebbera.

Paul á gálá ire an zlad'a-aha-aara

¹⁶ Yá enndáhá zlađe adaliye elva-aaruwa ñanna ba seke ura an shaitaine na, amá wá, zharawika seke yá an shaitaine ba jire. Iya keni zharawizhárá á ba an ice, yá galantegálá ire-aaruwa, seke una kwá ankwá á zharáterá á ba an ice emnde umele na.

17 Ge jirire wá, una namaari á Yaakadada ka. Ba daaci am gálá ire-aaruwa ɲanna wá, ganevge ba seke yá an shaitaine.

18 Yá zhára ba emnde kwakya tá aɲkwa á maganá á ba áte slera á duniya, tá gálá ire an ɲane na wá, daaci iya keni shagera yá galantegálá ire-aaruwa.

19 Há! kwa bántsa kure kwa emnde a eɲkale tsa, aley kwá zharaterá á ba an ice emnde ɲanna tá an shaitaine na, baaka lámbe á kure!

20 Tá aɲkwa á gakurve ba seke náve-aha-aatare, tá zákurá áte há, tá aɲkwa á zlermakur-zlerma, tá aɲkwa á fakurar uksaɲwire, tá aɲkwa á magakurá palasa keni, aley kwá ndaaka elva!

21 Mbate ɲere na ɲa gakurmarge na, a maganeraa ba baakire á hákuma á ɲere ndza! Yawaɲerarye kwaye baakire á hákuma á ɲere ɲanna.

Kina wá, yá ndaa elva ba seke yá an shaitaine: Ma edda-aara á gálá ire an uwe keni, iya keni yá naba gálá ire an duksa ɲanna.

22 Ta bántsa itare ta emnde á Ibrahimia; ay degiya, iya keni ya ba palle á emnde á Ibrahimia. Ta bántsa itare wá, ta Iserayiila-aha; iya keni ya ba ura *Iserayiila. Ta bantsa itare, ta eggye-aha á Ibrahimia; iya keni ya ba palle á eggye-aha á Ibrahimia.

23 Ta bántsa itare, ta emnde a slera á *Almasiihu, amá janateruje ya. Unɲule-aara ka tsa ndáhá una ɲanna, amá ba waya-aara. Ba parakke janateruje an wáva am slera á Almasiihu. Iya wá, ser kwakya tá ɲgudɲgudɲa jauje ge itare; ser kwakya tá ziya an já; ser kwakya una

shifa-aaruwa á ferta ba zlahhe na.

²⁴ Ser ilyeɓe Yahudiya-aha tá ziya an já, kurpe kul keye ju maselmane, kul keye ju maselmane.

²⁵ Ser keye tá ziya emnde a Rauma an zade; ser keye á puwáŋjerá paare á dem háye; aŋkwa ser palle, ya vaha, ya háre am huɗe á háye; aŋkwa ser palle, tá kátá já shifa-aaruwa emnde an nákwá.

²⁶ Zlaɓe ádaliye, am shula-aha-aaruwa, ser kwakya á magiyá palasa yawe á guwa, shanusha zlaɗa kwakya am erva á emnde a zá baráma, shanushe zlaɗa kwakya áza emnde a jeba umele, áza emnde a jeba-aaruwa keni ba estuwa. Magariyánmaga palasa am berni-aha, antara áte makwata-aha gergere, shanushe zlaɗa kwakya átira háye keni. Tá aŋkwa zlaɓe emnde na ta bantsa itare ta egdzar mama-aha á miya am fetarfire, amá ba fida. Ázetare keni shanushe zlaɗa kwakya.

²⁷ Máki ba wáva an slera ŋanna wá, ya wáva. Shanushe zlaɗa an tsáká ire. Am sarte umele ba háre keni, yá taa puka ɗekideki. Am sarte umele, ma ɗafa, ma yawe keni, ádeteka áte we-aaruwa ɗekideki, yá nja-aaruwa ba estuwa. Am sarte umele ba sarte ge zu ba duksa ŋanna keni ɓaaka. Shanushe wahála á lailaiɗɗire keni kwakya, antara zlaɗa á ɓaakire á kacekaca áte vuwa.

²⁸ Zlaɗa-aha-aaruwa umele keni zlaɓe aŋkwa ba kwakya, amá yá tsanƙa mazla-aara. Duksa palle yá aŋkwa á shuŋŋulaná ya wá, yá shuŋŋula ba emnde a fetarfe, ma vaatara keni yá dzámá ba itare.

²⁹ Máki yá zhára tsaftsafe ndzedá á palle-aatare, yá tapán ba seke áte ya. Sakwa máki mbedambedá palle-aatare á dem haypa wá, á wiwa jipu ba seke áte ya.

³⁰ Daaci máki yá gálá ire wá, yá galaná áte názena ni á mára baakire á payda-aaruwa.

³¹ Dadaamiya Eddenara ge Yaakadada Yaisu wá, diyaadiya jirire-aaruwa bademme. Galau-migálá ba nane ma vaatara keni.

³² Ankwa zlaɓe ádaliye zladá palle ya nanaa ya am Dimaska am sarte na yá áhuwa: Am sarte nanna wá, ndza á kwaraná Araitas larde-aatare. Slekse yaikke na a fanaa Araitas am Dimaska, a naba bazlaa sawji-aha áte we á wakiya-aha á ukvake ge tsagwaditságwada.

³³ Amá ta naba njimhe am ílila emnde a fetarfe, ta ngudite áte záwá-aha, daaci ta naba velise á kya biye á ukvake á sete iga a ekse. Ta fertiyaa estuwa emnde a fetarfe átuge slekse á larde nanna.

12

Paul á gálá ire áte názena a marannaa Dadaamiya

¹ Ura-ara keni ba yá eggálá tsawe ire nanna wá, zlaɓe yá ankwa átekwa, ma shagerka gálá ire keni. Kina wá, yá ndaha elva a názena a marinaa Dadaamiya, antara wahayu-aha na ya shanaa ya bademme.

² Ankwa slefetarfe umele ya disaa iya wá, ndza dánda Dadaamiya á dem mba-aara am samaya. Una yá ndaaná á ba áte ire-aaruwa. Yawe

kelaawa ju ufafe vatena a magava duksa nanna. Una ma am shene, ma ba jirire keni, diyaa ba Dadaamiya palle.

³ Ya enndaha zabe adaliye: Edda-aara nanna ndza danda Dadaamiya a dem zanna-aara. Una ma am shene, ma ba jirire keni, diyaa ba Dadaamiya palle.

⁴ Ankwa elva-aha ya cenanaa am zanna, ama a ndaaveka an elva a emndimagwaha dekideki. Zabe adaliye ba enndaha-aara keni an piya.

⁵ Daaci maki ya gala ire wa, ya galana ate jeba a iya nanna. Maki ate ire-aaruwa na nawa iya na wa, ya gala ire dekideki. Ma uneka maa, ya gala ire-aaruwa ate nazena a mara baakire a payda-aaruwa.

⁶ Ma wayanwaya wa, ba iya na nawa nane na keni, a jeviyaaka nazena ni ya galantegala ire-aaruwa atekwa. Ya gevka seke ura an shaitaine, adaba ya de gala ire am fida ba dey. Ama ya manka una, ya kuva a kariteka emnde kwakya adaba gala ire na ta cenanaa itare am mbuwe-aaruwa. Ama ya kata emnde ta fa zherwe ate ya adaba nazena ta nanaa itare am nja-aaruwa, antara jirire na ta cenanaa azerwa bademme.

⁷ Ma andze ya naba demda am kuravire yaikke adaba nazena ya nanaa ya am mba a Dadaamiya. Ama Dadaamiya a naba magaa pute a kya erva an Shaitaine wa, ya shaa lapikere umele wa, ba seke ta wawiya a ba an sera am vuwa, a wiwa jipu. Ba kelaa ma tsetse lapikere-aaruwa nanna wa, ya maga ba palasa. Adaba una nanna, baaka kuravire azerwa.

⁸ Ya magaa maduwa ser keye ádeza Yaakadada, geni a halisehále lapikere ñanna am vuwa,

⁹ amá a ñwiyante, a ba ñane: «Yá mag-aká ñgurna ba ge ebbásha-aara. Adaba má baaka payda á ura, hákuma-aaruwa á máráva kwakya am edda-aara.» Daaci kina wá, emtake ervaunđe-aaruwa jipu, yá gálá ire áte baakire á payda-aaruwa, a ñinja ba hákuma á Yaakadada am ya.

¹⁰ Adaba una ñanna, am baakire á payda-aaruwa ñanna, amá ervaunđe-aaruwa ba seke nama. Ma tá zlazlízle emnde, ma tá fá zlada-ara áte ya, ma a shiyaa lámare-ara, ma yá maga palasa á uwe keni, baaka lambe-aaruwa ðekideki. Diyandiya ganakini a shiyaa zlada ñanna adaba zhera á *Almasiihu. Adaba am sarte na ni baaka ndzedá am ya ðekideki na wá, yá shá ndzedá á jirire keni á ba am sarte ñanna.

¹¹ Ya tsakese elva ba seke ura an shaitaine, amá kwa maganaa ba kure. Adaba ma andze kwá maganá kure seydire áte ya, tara hyainephye ura, an hyainepka ura keni. Ma hyainepka ura keni wá, jañerammeka an male-aha á kure ñanna ta bantsa itare ta emnde a bela na.

¹² Adaba uwe, am sarte na yá am ekse á kure wá, ndza fanefa ervaunđe jipu, Dadaamiya keni maganaamaga najipu-aha gergere á kya erva an ya, marsemáre ba parákke ganakini ya slebela á ba an jirire.

¹³ Emtu anƙwa shagerire na ya magaterán ge emnde umele, kwalanevkwále ge magakurán ge kure emtu? Baaka ðekideki, kure keni

yanakuraaka ya. Duksa palle maganka ázekure wá, fanakurarka pelá mbera-aaruwa. Daaci yá an badza ba iya, yawiyarye haypa-aaruwa!

Paul á dzámá emnde a fetarfe na tá am Kaurintus

¹⁴ Kina wá, magannaamága niya a dezekure ge keyire. Amá wá, yá de fakurarka pelá mbera-aaruwa. Tatayanka ya shuṅgu á kure, iya yá kátá ervaunḡde á kure. Egdzara wá, tá gelaná itare ka emnde a há, amá tá gelaterá emnde a há itare.

¹⁵ Iya wá, yá wavakuruwave an ndzedaaaruwa baḡemme; ma ya keḡaa nalmane-aaruwa antara ire-aaruwa baḡemme aḡaba kure keni ba emtake. Emtu watse kwá gulanaagulé wáyáva á kure áte iya aḡaba wayanakurwáyá kwakya emtu?

¹⁶ Náwa baḡemmire á miya diyamidiya ganakini ndavanakuruka mbera-aaruwa. Ay labára zlaḡe, ta bantsa emnde umele á kure: Sleyaimyaim Paul, a zu shuṅgu á miya á ba an zlerma.

¹⁷ Ya zlermákuraa estara? Ta de zlermakuraa emnde na ya belateraa ya ádezekure na emtu? Puwaupuwa sawari am ire á kure ba shagera.

¹⁸ Tara Titus tá antara egdza emmemiya umele na ba kure keni diyakurdiya, ya belateraa ya ádezekure na wá, ta de zlermuwa itare duksa á kure emtu? Tamanka una ḡekidḡeki. Nere antara Titus wá, ḡa ba palle am slera á ḡere, eḡkale á ḡere keni ba palle.

¹⁹ Bawánka zlaḡe a ba kure, ḡá kátá lya ire á ḡere an elva na ḡá tsakaná ḡere kinekineka

na. Na emnde á *Almasiihu wá, estuweka. Elva na nǎ tsakaná ákatafke á Dadaamiya. An elva nǎna nǎ tsakaná nǎre baɗemme na wá, nǎ kátá ba farfe á kure am elva á Dadaamiya, egdzar mama-aha-aaruwa.

²⁰ Lyawa-aaruwa kina wá, yá kuva ba ni bi watse yá de berakurka áte una yá kataná ya. Daaci kure keni kwá de hayiika am nja-aaruwa. Á njeka ervaunɗe-aaruwa, yá dzámá bi watse yá de berakurá am dágaldagala, kwá anƙwa á shelha am dágave á kure, kwá anƙwa á maga ervaunɗe, gergere ye á kure baɗemme, kwá anƙwa á zlazlava, kwá anƙwa á za vuwa á emnde, kwá anƙwa á maga kurávire, baɗemme á duksa á ba an wessa.

²¹ Yá an lyawa jipu, yá kuva bi má danduwa ádezekure, kwá de fiyemfa am zherwe yaikke á katafke á Dadaamiya-aaruwa. Yá an lyawa jipu, yá dzámá bi watse yá bera emnde á kure kwakya mbadarmbáɗá á dem haypa, amá eptsarka am tuba, zlabé tá maga ba názu zlayeka ɗekidɗeki, tá maga ba dákárire, antara zawarire-aatare. Máki ya de berakur estuwa wá, watse yá kyuwa jipu.

13

Elva-aha na á zle átekwa

¹ Náwa watse yá duwa ge keyire á dezekure. Ba seke una ni anƙwa an puwa am wakita á Dadaamiya, «geni shairiya á ura, sey tá kyáná áte seyɗire á emnde, cekwa-aara seyde-aha buwa bi keye na wá,» emnde na tá yánka mága mándzawire na keni, mí de kya shairiya-aatare á ba áte una nǎna.

² Am sarte na ya dezekure ge buwire keni, ndza ya fater elva-aaruwa palle ge emnde ɲanna kwásau yaránka maga haypa na, ya ndaater ge emnde umele keni baɗemme. Kina ya yiyiye an kure keni, yá anƙwa á ndaakurndáhá zlaɓe ádaliye ba parakke: Má watse danemda ya wá, watse ɓaaka zatervaare ge emnde ɲanna ɗekidɗeki.

³ A ba kure keni, kwá kátá dise *Almasiihu, máki á maga slera am elva-aaruwa, watse kwá nanna degiya! Ɗane wá, gavka ura cekwa payɗa-aara. Ba kure keni diyakurdiya hákuma-aara na á maganá ɲane am kure.

⁴ Am sarte na ta zleɲelanaa áte dzaɲgala wá, ba jirire ndza ɓaaka payɗa-aara. Amá an hákuma á Dadaamiya wá, á ba an shifa-aara. Ay degiya, ɲere antara ɲane gaɲerevge ba palle. Daaci ɲere an ire á ɲere wá, ɓaaka payɗa á ɲere. Amá ma watse daɲeremda ádezekure wá, watse kwá de nanna hákuma á Dadaamiya an ɲere, am slera na ɲá de maganá ɲere am dágave á kure. Adaba gaɲerevka an ire á ɲere, anƙwa Almasiihu antara ɲere.

⁵ Amá njawinja emtsaade kure am áhá, habazauhábaza názu am zlálava á kure, diyaweddiye máki ba jirire kwá á ba am fetarfire. Ge jirire wá, ɓaaka shaige-aara, diyakurdiya ganakini anƙwa *Almasiihu am kure. Sey máki anƙwa názu a mbeɗakuraa áte baráma-aara.

⁶ Amá keni yá tama á de jakurviyaaka, kwá de ba eddiya ganakini ɲere ɲa emnde a ɓela á jirire.

⁷ Amá ɲere wá, ɲa ɓaaka an wedere á

marakurá názena ma andze kwá diyaṅersá átekwa ganakini ṅa emnde a bela á jirire. Názena ṅá yekaná ṅere áza Dadaamiya wá, yawánya mága mandzawire baɗemme. Ma shaṅeránka ṅere mazla-aara marakurá názena ma andze kwá diyaṅerse átekwa keni, baaka lambe á ṅere. ṅere ṅá kátá ba kwá maga shagerire.

⁸ Aɗaba ṅá taa yanaaka jirire, ṅere keni ṅá maga ba slera á jirire ṅanna.

⁹ Máki hyakurephya kure emnde am elva á Dadaamiya wá, ma marápseka hákuma á ṅere mazla-aara keni, ṅere ṅá higa ba jipu. Daaci ṅála á ṅere kina áza Dadaamiya wá, a gakurvege emnde na ni baaka duksa mándzawe áte itare ɗekideki na.

¹⁰ Wakita ṅanna yá aṅkwa á puwakurtá ya kina, ya yiyiye an kure na wá, ba geni kwá eptseptsa am tuba, daaci yá de valakurarka mázla-aara. Hákuma wá, viteva Dadaamiya áte kure. Amá wá, a vite hákuma ṅanna ge zadakurzáɗeka, a vite ge dákurá á de katafke an ṅane.

Halawuwa á elva an gá use

¹¹ Daaci a jamima shifa kwa egdzar mama-aha-aaruwa. Wavauwáva, gawansege duksa mándzawe am zláláva á kure baɗemme. Yawanaaka elva-aaruwa na, a deska am ire á kure. Njawinja á ba áte ye palle, magauka názena á de sakurá dágala na. Daaci á de yakuraaka Dadaamiya na edda á wáyáva ba ṅane palle, á vatertá ba ṅane hairire ge emnde na.

¹² Gauga use-aaruwa ba shagera am dágave á kure, kwa emnde á Dadaamiya bademme. Bademme á emnde a fetarfe na tá áhuna keni, tá anjwa á gakur use-aatare.

¹³ A melakurumela Dadaamiya, ganakini kwá shánsha ngurna á Yaakadada Yaisu *Almasi-ihu ma vaatara keni, kwá shánsha wáyáva na a wayamiyaa Dadaamiya an ñane na am kure. A janmeje Shedekwe Cufedfe ye á kure bademme.

Wandala
The Holy Bible in the Wandala language of
Cameroon
La Bible en wandala

copyright © 1999 Wycliffe Bible Translators, Inc.

Language: Wandala

Contributor: Wycliffe Bible Translators, Inc.

All rights reserved.

2025-05-13

PDF generated using Haiola and XeLaTeX on 13 May 2025 from source
files dated 13 May 2025
dec75dd5-4784-5059-aa00-668d508a6b0d